




977531

陸劍南感秋句云投老還鄉一禿翁余亦禿翁矣在再年此人生若寄屯亨顯晦盡付煙雲庚寅春夏患腹疾數月不愈抑塞無聊日者蔣樾林大令以詠晚香玉律句見示未免見獵心喜因與俞曲園太史朱修庭觀察惲季文中翰萬季樂明經酬唱往還並得書懷長句如千首但取閑適藉以却病工拙忌諱均弗暇計猶之漁謠牧唱自樂其樂而已寄翁道鎔日記

驅館閑吟



我知竹外之無爾沙即自樂其樂謂曰清徐道鎔日記

臥室近卧書對長日破千首且堪閑遊蘇以法誠工惟是韋

因與俞曲園太史朱對談雖察戰老文中解篇季樂即錄贈

燕歸日香蕪野林大令以結如香正事時辰示朱矣泉慰小

主昔游中幸願湖盛竹默與寅香夏思題楚樓且不念時

對晚南林句云結谷豨聯一矢餘念亦美餘文於其手次人

驅館閑吟 庚寅

讀楚辭有感

荷蓋乘風返夏浦
桂橈駕雨揚吳舸
橫波浩渺蛟失水
中路迴翔麋在庭
臭味不與蕭艾伍
靈脩莫問蘭茝馨
千鈞爲輕蟬翼重
九天不到龍堂冥

眾鳥號羣鵬息羽
神龍出水魚揚鱗
亦思湛露潤三秀
直欲御風游九垓
忽寤嬋媛善窈窕
更勒騏驥空逡巡
虞淵迢迢日西下
高巖峭岸誰能循

昭質未虧集芳杜
遠路莫致愁覆車
揚旂馳雨荷衣濕
竦劍迴

驅館閑吟

風苕帶舒欲往洞庭
采薜荔更向洛浦
寒芙蓉湘君可望不可
接嗽霜吸露且容與

長途曼曼尋帝鄉
欲從司命踰空棗
鸞皇戢翼偃空谷
燕雀營壘處
高堂計日擣蘭糗
已足回風搖蕙神
徒傷猿狖夜鳴石磊磊
東君不來心飛揚

前詩未盡再賦四律

洞庭渺渺水生波
澤畔行吟意若何
鷓鴣先鳴眾芳歇
椒蘭已變落英多
熊占誰識垂綸叟
牛背猶聞叩角歌
屢欲陳詞心愴懣
美人猶豫滯陽阿

析津曉靄夕陽殷
惆恍龍門遠
莫攀千里有懷
明月皎九天可
指白雲閒芙蓉
芬馥榮南國
嵩嶽峻嶒仰北
山歡結良媒余
不信遭回吳榜
惜孱顏

落落彭咸感慨同
三秋結想秣陵東
尋源曾飲崑崙水
解慍還餐蘭蕙風
未駕虬螭瞻北斗
徒慚駑馬負南豐
古來不少煩冤事
歎息懷沙抱恨終

寸有所長尺有短
卜屨奚必策神龜
高冠岌岌空塵網
歧路營營恨夕曦
欲上蒼梧裏馬足
誰知苑草妬蛾眉
臨風只爲思公子
被被靈衣光陸離

驅館閑吟

俞曲園太史以詠老詩見示次三四兩首元韻

靜掩衡門天地春
讀書養氣是經神
香山文字三千卷
洛社耆英七十辰

庚寅嘉平公
七十正壽

霏玉清言揮塵座
鈎銀妙墨寫龍賓
堂

開綠野居裴相竹
杖芒鞋最率真

著書歲月靜中消
春在堂深可避羈
堂曰春在
鼻祖燕貽聲遠大耳

孫鵬舉路迢遙
壽徵黃髮詭難老
泉飲丹砂氣自調
經世文章

眞富貴寄言南岳
不須嘲

原作

未老年華已早衰
况今年老更衰
羸齒疏久廢剔
牙杖骨

痺常施敲背椎坐處每須長枕倚立時亦藉短筇支我生
七十已如此不信人間有耄期

病魔從我十年賒自迫桑榆勢更加因忌葷腥餐白粥爲
防臉削啜紅茶蓄痰成飲酸頻嘔積癖成瘍癢屢爬始信
有身真大患老聃此語竟無差

一入名場五十春自憐非復舊精神詩文謔寫多塗乙書
札標題誤日辰容易遺忘藏棄物苦難記憶往來賓休嫌
報謁遲遲甚名姓模糊想未眞

閒居深苦食難消雜沓賓朋又畏囂回憶兒時翻覺近偶

驅館閑吟

三

思門外便如遙抑搔賴有孫兒侍膳飲全憑子婦調留此
人間一長物賦詩自歎自相嘲

小憇寄園清閒忘暑次朱脩庭觀察西湖泛舟原韻

屏跡江湖浩蕩鷗往來頻借使君舟

往來木瀆常
借公坐船

婆娑倚竹渾

忘夏次第看花易感秋百歲光陰徒歷碌六朝風月任勾留長
沙獻策終無益且到靈巖續舊游

園林瀟灑足音稀曲院荷風香滿衣避熱欲扶藜杖瘦養生先
種藥苗肥邱隅黃鳥猶知止宦海青蠅未息機世界清涼是何
處與君凝望立斜暉

原作

瓜皮艇子小於鷗，慚媿人同李郭舟。
六代雲山誰是主，四時風月最宜秋。
劫灰往事逢僧話，素壁新題過客留。
憶昔槐黃曾逐隊，西風吹老少年游。

槐黃曾逐隊西風吹老少年游

荷風麴院認依稀，猶有餘香上客衣。
處士高風隨鶴化，山僧清課養魚肥。

清澗寺觀池魚

捧心若箇承新寵，長舌由來伏禍

機。徙倚湖隄仰芳躅，六橋烟柳挂斜暉。

脩庭再疊前韻

歸來一棹狎閒鷗，濟巨曾勞傳說舟。
麟鳳大都在郊藪，螭

驅館閑吟

四

蝮元不識春秋時，逢盛世逋臣老野有。
耆英正氣留

自幸遇公猶未晚，石湖月夜十年游。

蕭然野服俗緣稀，怕問當年一品衣。
吟到黃花何澹遠，書

成青李戒癡肥。神清似鶴宜多壽，境樂知魚不用機。
聞道

蒲輪徵召速，東山何竟戀朝暉。

再疊前韻答脩庭

偶然雲圃聚盟鷗，滿地煙波一葉舟。
得聖之和醇似酒，以官爲

客澹於秋。江花孔草矜風雅，越水吳山任去留。
虎阜嗟峨曾作

主，公復虎阜舊觀登臨還記昔年游。

豸閣震清吏事稀新涼一味上秋衣詞壇飛將才無敵戎幕書

生家不肥

公隨李香巖方伯參戎幕

天外鯤鵬終遇順胸中冰炭早忘機草

堂寂寂懷朱邑聯句縱橫澹夕暉

脩庭三疊前韻

豆豉暮年心事付閒鷗宦海渾同不繫舟葵藿有心徒向日菰

蒲無力易驚秋我尋佛海三生約公爲名山片席留高興

登臨倦卽止白須朱履許從游

脫卻朝衫識面稀任他遺愛繡弓衣庭前有鶴何妨瘦山

左之民卻甚肥詩遇未安求審定事逢難決示先機隔條

郭館閑吟

五

巷子傳賤易忙煞朝暾與夕暉

此夕

夜氣沈沈未向晨秋風先瘦病中人丹丸誰識三年艾白髮猶

存一葉身欲上蒼冥傾肺腑難消清福健精神殘更夢醒燈如

豆蟲語分明訴苦辛

晚香玉

金風玉露薦新涼高捲珠簾倚夕陽珮影繽紛垂苕帶花光芬

馥襲蓉裳冰心應與梅爭白晚節還如菊綻黃月上瑤臺好顏

色亭亭孤立爲誰香

堂開玉局晚香留冷眼看花直到秋有耀明璫同綽約無瑕白
壁任雕鏤瓊枝伴月神逾澹珠蕊搖風韻更幽可惜芳心猶未
展夜來先上美人頭

閑居

衡茅闐寂無車馬曳杖婆娑日涉園脩竹搖風青上榻遠山洗
雨綠當門未妨澹泊從吾好早識行藏有數存若問五湖垂釣
叟扁舟已入武陵源

天許放翁無箇事壺中日月淡忘年撐腸惟乞長腰米適口先
烹縮項鰯石磴生雲容小隱晶簾籠月待高眠老夫避熱何須

驅館閣吟

六

計鐘鼎山林總是緣

腐儒碌碌逢人少世界炎涼風馬牛閉口莫談黃老學委心欲
訪赤松游忘機高臥三竿日約客平分一味秋還我布衣原不
俗本來天爵有眞脩

諒山慘澹雲如墨瘴氣騰空纏桂林城北大官先喪膽江東野
老亦驚心死生有命機先兆禍福無門理至深莫替塞翁嗟失
馬歸來不廢蓼莪吟

憚季文中翰和韻

散人曾號天隨子迂叟還開獨樂園雲去好山爭入座雨

餘新水盡當門書能快意神逾健茶有餘香味自存斗酒
百篇雄且傑驚看三峽湧詞源

奔馳南北半天下歷盡艱辛三十年歸橐只攜東海鶴開
筵猶說漢江編天留遺老容高臥人道羲皇且醉眠好景
都從閑裏得茆廬還覓靜中緣

柴戟森嚴克壯猶恢恢投刃目無牛思培元氣籌餘蓄公辦

四省積穀力挽狂瀾障下游堵東省桃園決口不一月而告成節帑奚止百萬不信浮

雲多變幻始知佳日在春秋此身本是神仙骨杖履優閑

清福脩

驅館閑吟

琴書譚道春風座樽酒論文秋樹林國士漫叨知己遇民
生長繫老臣心會看麟鳳因時出悟到筌蹄識理深他日
蒲輪敦再召漫言梁父有高吟

閑閑草堂

翛然物外耳無聞十畝閑閑鷗鷺羣放眼曾觀東海日歸心不
負北山雲頻裁規紙償詩課要典貂裘換酒醺難得南田高弟
子頻來與我賞奇文謂憚季文

近聞蔣詔開三徑贈答頻頻慰索居謂蔣樾林滿地江湖橫釣艇參

天松柏老蘆廬閑中閱世寒暄異淡處忘機冠蓋疏相約尋花

春欲暮吳門風味近何如

季文和韻

于今世事不多聞管樂高才久軼羣磨就鍊肩擔日月養
成浩氣薄風雲塞翁畢竟心無碍漁父何曾酒被醺泉語
松聲堪入悟飛來天籟自成文

明月清風新買得瀆川好築浣花居烟波江上誰迴棹縹
渺峯前待結廬陶謝吟懷歸淡泊韭菘風味自蕭疎步趨
有志嗟乎後質魯深慚百不如

再疊前韻答季文

驅館閑吟

八

通德高門有令聞庭前雛鶴立雞羣雕龍健筆珠垂露繡虎雄
才錦織雲品重南金花待判尊開北海酒微醺縱橫疊句消清
晝搜索枯腸愧不文

萱閣崢嶸娛愛日漫云潘岳賦閒居遺經繼述能繩武清課殷
勤當直廬天外飛鴻音自遠座中揮塵氣尤疎深深雲圃春長
在慈竹平安我不如

季文再疊前韻

杖履追陪有異聞清風亮節孰爲羣一杯但飲西江水萬
壘能開東岱雲偉矣勛名人自淡湛然心跡世難醺北窗

高臥眞閑適避俗常攜冰雪文

拓窗每喜延風月一榻清涼水竹居楊柳樓臺新畫障梅

花池館舊吟廬只餘愛土心還熱自笑謀生計早疎最是

歡顏開廣厦生平志願杜陵如

三疊前韻答季文

側身秘閣已聲聞跌蕩天衢志不羣兩世循良懷召杜子寬年丈次山

中丞皆崇祀名宦一時名譽屬機雲珍同美玉本無價味勝醅醪自可

醺容易秋風看鸚薦會當萬丈發高文

李郭情深舟共濟望衡何異比鄰居吳中已結香山社謂待雲幼亭雙

驅館閑吟

九

清金粟淡洛下猶存諸葛廬有味青燈還似昔無多白髮不嫌

疏先生姓字門前柳與子徜徉樂自如

次潘石溪明經讀山原韻

眾峯環抱勢峩峩卜築佳城幾度過戊子冬先太夫人奉安讀山恨與潘江

相見晚君工詩已梓集行世攜來杜酒不須多饋余家釀車迴石徑飛黃葉君坐

拜奠車到墓地接銅官隱碧蘿讀山係銅官山來脈地勢雄秀泥成五色今日逢君太疎

落蒼涼滿目動悲詞

寸斷中腸往復迴塵緣未了亦悠哉自遭母喪中腸寸裂痛不欲生三春愛日

何曾報九死餘生總是哀悵望白雲縈夢轂空留寒月照泉臺

年來痛定猶思痛風木蕭蕭暮色催

原作

斗山德望仰巍峩何幸林泉枉駕過曠世莫言知己少

山且喜故鄉多深秋蚊蝶飛黃葉峭壁龍蛇挂綠蘿暮色

蒼然來野徑徘徊猶聽晚樵訶

山光四照水聲迴鬱鬱佳城實壯哉

山半爲中丞母夫人墓

定有神

靈能暗護愁聽風木感餘哀荒烟慘淡迷平楚落日蒼涼

照廢臺幾度欲歸情未捨任他野寺晚鐘催

石溪聞余復召感賦卽次元韻

驅館閑吟

十

翦燭篷窗懷抱開藉君隻手關汗萊

君居山亭鄉余至讀山拜墓乘夜買舟來訪暢論山

亭區客民賑務

棋消黑白連枰換詩入風騷擊鉢催

君以辦災遭謗有感事二律 鹿

夢已虛嗟逝水鶴書不赴愧庸才

伏處吳門尙稱閑適自顧哀慵不復赴

山中

定有新醅酒待到重陽各舉杯

擬九秋返里

原作

長嘯高天抑塞開奇才豈得困蒿萊鳳啣綸綉丹霄下電

閃旌旂畫鷁催求穴久慚螻蟻輩濟時終仗棟梁材此行

且慰蒼生望榆社相期後日杯

贈蔣岸林大令卽次晚香玉原韻

爾音金玉似鳴鏘道貌原非時世妝兩縣栽花滋雨露卅年聽
鼓飽風霜蹊成桃李誰爲主裳集芙蓉只自芳翹首廣寒宮闕
影美人無語落天香
天然美玉綻光瑩待價而沽若有情蜃市陰晴無定準蛾眉謠
啄未分明催詩下筆千言富縱酒銜杯一笑擊餘事岐黃堪濟
世丹丸九轉鍊初成

晨星落落閉衡門陳榻常懸朝與昏白首交情猶未晚黃初書
法許同論多方磨涅終無影到處光明不著痕松柏後彫知歲
晚蒼茫孤立託雲根

驅館閑吟

七

傀儡生涯何足算黃冠朱履儘蕭疏香山老去仙凡隔彭澤歸
來歲月舒小住潛園游鹿豕長譌巴曲報瓊瑤此行莫謂徒勞
瘁放眼先將懷抱攄

時有海
州之役

原作

珠簾乍捲韻鏗鏘幾簇花枝鬪晚妝也擬清流矜白璧漫
驚素女搗元霜盍簪雅合彈冠慶解珮猶含竟體芳遲暮
美人休自感不隨韓壽學偷香

小立亭亭湛琇瑩略無雕飾若含情鏡臺罷洗風初過玉
宇生涼月正明潔比壺冰心獨冷薰疑蘭麝手爭擊那知

清福難消受憑仗新詩咳唾成

槐院陰濃晝掩門迴廊清簟近黃昏芳情脈脈知誰訴雅
韻珊珊可對論縱結綺羅留本色乍醒春夢了無痕嬌姿
自爾誇名貴何必仙凡辨託根

儘得風流一字無羣芳壓倒祇蕭疏烘雲托月原多事帶
露迎風自卷舒入座眞教空色相投懷端合報瑤琚由來
抱璞安貞吉對此應無憤可據
次犀林述懷元韻卽送其行

使君捧檄近秋天蓼岸花疎好放船渺渺蒲帆浮畫鷁依依楊
柳館閑吟

七

柳叟殘蟬祇緣慷慨杼長策未許清閑擁細氈聞道行囊羞澀
甚當年止有杖頭錢

縱橫書法說眞卿文讎流連大有情生性未能諧薄俗好官詎
肯負修名詩筒往復開三徑棋局安排換一枰薏苡不須重歎
息湛然心跡玉壺明

元作

金井梧桐葉落天秋風先上木蘭船半池荷雨消殘暑一
幅蒲帆帶晚蟬結契正當開白社抗塵未許煖青氈悠悠
已是江湖老堪笑貧無賣字錢

舊交零落幾公卿伏櫪猶懷千里情爲吏偶然膺上考抄
方轉愧博醫名紛絲難理庸留爾一著先差已落枰獨立
蒼茫怕回首半生蹤跡未分明

歸雲山館

長安市上生計稀志士裹足大賈肥朱紫羣賢相伯仲矍鑠老
翁無是非不學仙佛萬緣寂但觀日月雙輪飛歸雲出岫若無
意只爲此山長蕨薇

萬寄麓表弟贈詩次韻答之

當年烽火悵離居飽閱星霜志未舒有價文章遲虎榜無邊風

驅館閑吟

三

月入蝸廬披圖濡染將軍畫提筆縱橫內史書君工書善畫入幕之

寶原不俗何妨御李駕輕車君向辦營幕現就李熾廷統領之聘

吳苑蘋蹤去復還頻來鷗館與秋閑暮年心事窺華髮小墅詩

篇破醉顏君有小墅吟詩稿養志尙須謀菽水置身只合在蓬山情同

昆季如君少我媿非龍不足攀

元作

滄浪亭畔卜幽居一賦歸來心自舒廿載勤勞塵

黼

座十年蕭瑟閉蓬廬白雲舍外存忠悃公以丁亥七月居太夫人憂於己

丑十月服闋餘哀未已至臘月始以服滿具奏綠野堂中拜詔書大旱雲

覽天下望蒼生引領盼蒲車

出岫雲原任往還草堂歲月自閑閑不驚塞馬甘潛照小

聚雷蚊枉汗顏逸興琴樽傾北海高風絲竹想東山每思

驥尾從今附絳帳愁子遠莫攀

秋日書懷聊以卻病得長句五十首

衣冠寂寞偃塵寰白日堂堂去不還捧檄忽承明主詔采薇只

在首陽山人間姓氏龍頭貴

余自丁亥居母憂萬念俱寂惟盼諸孫讀書上進尙難釋然

世

外神仙鶴背閑一臥滄江春事了逍遙且自掩柴關

己丑臘月督部會沅

丈爲余奏報起復奉旨入覲沅丈抄摺移容

驅館閑吟

齒

草堂新長竹三竿玉立亭亭露氣寒清節能爲強項吏虛心豈

學折腰官有時入畫生邱壑隨意題詩寫肺肝知爾平安無一

事側身天地此黃冠

鷗館清涼臥綠陰老夫差喜解朝簪鳩藏自媿臣才拙鼂戴難

忘帝澤深赤手擎天千古事白頭歸佛百年心荷衣不是欺雲

壑試聽江頭漁父吟

虎阜峻嶒暮色侵當年金粉此銷沈牽牛空抱黃姑恨害馬徒

勞赤子心錦繡樓臺苦夏熱凋零花草落秋陰滄桑一夢何曾

覺新法頻頻歲月深

屢煩京洛問行期，碧海青山繫我思。
心已忘機隨所遇，病惟好懶不須醫。
悠悠往事頻移晷，碌碌浮生只看棊。
世態十年胸爛熟，憑君爲寄四愁詩。

薌林芬馥露光團

寓有薌林書屋

月上晶簾只獨看，菊酒尊羹容我醉。

高山流水向誰彈，未妨綠野居裴度。
聞道蒼生思謝安，颯颯金風秋易老。
美人寂寞倚闌干，風漪中門對紫雲。
湘水日暮吟蟬吟衰柳，近黃昏檢點青絳。
細爲課孫一品布衣，無色相幾莖華髮。
自乾坤常扁朱戶樓臺，迴未改青山面目。
存詩律只應吟杜老，夔州心事更誰論。

余鐫一品布衣小印

驅館閑吟

五

四時佳日在槃阿，看水看山獨嘯歌。
門有高才文最富

謂惲季文沈淇

泉座來熱客語，嫌多人情似墨磨。
逾短世事如棋著，不和漫道

秋風蕭瑟甚，白蘋紅蓼老漁簑。

難將人事補天工，燕語鶯聲感慨中。
門掩梨花眠夜月，尊浮竹葉醉春風。
埋頭願學長生佛，裹足能爲不倒翁。
張邴宦情何寂寂，白駒過隙夕陽紅。

伯道無兒命不猶，有兒曷以善貽謀。

曹曼曰：士品難只儼書

十年縱跡沈魚雁，百事艱

難等馬牛肝。膽竟能分楚越，參商安望紹箕裘。
三湘渺渺空惆悵，老淚潛潛白露秋。

張老淚潛潛白露秋

蕭然霜鬢逢秋老每到秋深病入脾此後稜峇嗟莫補當年琴
鶴笑吾癡詩書營業難爲繼蒲柳衰顏強自支一日安眠如兩
日蘭階猶望茁孫枝

崢嶸總角已森森人到衰年舐犢深抽筍漸看雛鶴長撫松時
作老龍吟白頭未了平生願青眼難逢異日心祖武留貽無別

物堂前六本是規箴堂額曰六本
承先德也

凌虛瀛海駕飛虹玉宇瑤樓睡眼中楊柳春風朝戲馬黍苗苦
兩夜鳴鴻青州不少鳶肩客黃閣誰爲羊鼻公歎息馮唐頭已

白難將心跡問蒼穹

驅館閑吟

六

留侯仗鉞海之東岱嶽嵯峨起大風遷客已歸天隱洞奏書尙
達廣寒宮蕭曹心事猶今昔韓范功名無異同落落塵寰青眼

少誰貽雙鯉問山翁余與張朗齋中丞無一面緣中丞履東撫
任書札頗來甚稱余撫東舊政卽如積穀

一端忌者以爲務名朗齋中丞以爲善政並加整頓上達天
聽年來郵筒問訊分外垂青絕無世俗之見茫茫宇宙曾有幾
人賦此以誌感佩

銅官聳翠雨餘清曾記當年盜弄兵舊侶已隨仙客去原田無

復野人耕宜荆亂後荒
田猶未復業蕭疎門巷遲歸燕寂寞溪山間曉鶯嘆

息蛟橋明月夜至今猶厭鼓鼙聲

西法矜奇耳目新熙熙中外一家春鍊輪飛駕三千甲銅漏微

參十二辰冠蓋漸多瀛海客腥臊易染綺羅人變夷終有回天
日吾道干城率土濱

苦雨兼旬慘不舒俄聞三輔痛淪胥鱗腥浩渺成滄海蜃市橫

糊混太虛引領相公來活我

謂李傅相

關心舊部亦愁余阮囊羞澀

慚無補猶記當年儋石儲

順直苦雨兩旬驟遭水患猶憶任直潘時辦積穀六十餘萬石或可稍資

接濟

竹屋三椽寄託深秋衣初換曉寒侵開簾呼月宿花影疊石饒

雲翳樹陰信手棋多敗亦喜鏤心句少苦猶吟元龍豪氣消磨

盡古調重彈孰賞音

軀館閑吟

七

慵敬菊枕獨淒其爲愛青山惜別離仄徑崎嶇防雨滑屣軀疎

懶怕風欺摩霄黃鶴猶垂翅抱甕蒼蠅正啜醅若問巖邊未來

事休將皮骨付奔馳

茂陵日月久消磨老桂延秋爽氣多有酒常拚千日醉無情不

作七哀謔蒼蒼雨露滋香草鬱鬱星辰斂太阿林下尙存揚馬

客往還文讌各婆娑

謂雙清金粟淡如寄麓

老去多情猶買笑年來忘世似懸匏書非得意隨時換詩爲頻

添儘數鈔浪跡獨邀鷗作伴幽居喜與鶴同巢黑頭江總還家

日已把朝衫一例拋

少文一幅臥游圖鎮日徜徉任老夫曲院秋高花影瘦虛堂夜
靜展聲孤行吟奚待招漁父小醉何妨學酒徒獨立中庭霄漢
迴瑤樓貝闕兩模糊
江頭釣舫繫斜曛閑煞漁翁酒半醺每飲甘泉懷李愿庸知下
第抑劉蕢浮雲偶翳蟾蜍魄吠雪猶多烏獸羣暮鼓一聲清夢
覺鍾山寂寂漫移文
虛室光明小洞天往來寒暑不知年藎鹽滋味貧而樂泉石膏
盲病亦仙養靜翻嫌歸燕語傷春猶愛落花妍時暘時雨何曾
問美酒還當沽十千

軀館閑吟

六

參差楊柳挂殘曛碧殿風微燕雀羣蕭艾茸茸多異種芝蘭鬱
鬱闕靈芬虹橋飄渺通三島蜃海蒼茫仗六軍紫綬金章好顏
色委蛇只恐負天君

參破禪關最上乘年來常作在家僧焚香偶喚童三尺伸紙閑
消墨數升長枕夢酣雲作被小窗夜靜月爲鑑空空靈府清如
洗便覺人間少葛籐

拖青紆紫濫吹竽花樣翻新世路殊老馬思飢常戀棧懶貓喜
熱慣當爐野遺珠玉心何忍夜識金銀腹自腴中澤哀鴻最淒

切天時人事兩相須

衡嶽鍾靈問氣生中原跌蕩老彭鏗側身廊廟虛前席獨立乾坤垂大名天語褒榮千古事江流烏咽暮潮聲西泠聯句今猶在十字淋漓肝膽傾余遇彭剛直於浙西甚相得贈余十字楹帖書跋百餘言意極殷拳罷歸居吳門猶以巡江接晤二次一代偉人忽焉徂謝傷哉

聞道南山有文豹陰陰霧壑暗藏身狙猿怒目心偏熱老鴝空拳氣不馴姓氏未更誰識我鬚眉已古亦驚人霜風著意吹黃髮十叩柴門任客瞋

鴻泥縱跡與誰論猶記雙江舊酒痕李郭交情人自遠匡廬面目我猶存

謂繆芷汀廉訪

蘭舟同泛西湖棹梁苑曾傾北海罇余與德曉峰中

驅館閑吟

尤

丞爲河南浙江前後任

畫棟朝雲飛不盡來鴻去雁總銷魂

是佛是仙還是我幾莖梅骨冷於冰菩提已結無花果蓬室常懸不夜燈挂網游絲迷穉蝶糊窗餘漑惹癡蠅祇今多少營營者試把楞伽問慧能

偶然對客說軒岐斜日曛黃挂柳絲病不知醫晴晒藥靜還思動夜彈棋蝸牛篆壁文何古蛺蝶尋花夢亦癡似水年華觀物化莫因搖落易生悲

草堂孤坐影脩脩舌本茶甘渴已消偶見桃花開笑口不隨楊柳折纖腰秋深放棹收蓮種雨過攜鉏分藥苗閒裏事忙生意

滿溪山一碧老漁樵

送老曾無負郭田還山更少買山錢扶藜躅稽康懶潑墨淋漓張旭顛寓世何求真富貴衰年少病卽神仙長吟杜甫佳人

句翠袖生寒倚暮天

華胥一夢太無憑詩酒縱橫喜得朋擊木誰知唐陸羽繪圖難

識漢姜肱重簾低放因留燕曲室穿通好避蠅隨遇而安方是

學天高未必有階升

每逢佳士輒忘年說法談詩澹入禪詞客欲招姜白石仙才幸

識李青蓮醉呼紅友新豐酒渴飲丹砂舊井泉秋色滿園誰買

驅館閑吟

三

得東籬種菊不論錢

雁帶新秋送晚涼幽棲差勝老馮唐辭巢客燕飛殘暑挂柳吟

蟬曳夕陽野菼山肴原不薄科頭跣足未爲狂早知逆旅身如

寄萬籟憐然一草堂

閩苑鶯花色色妍樓臺倒影夕陽天霓裳縹渺聽仙詠冠蓋飛

騰出少年獻策無才思買誼乘槎何處覓張騫尋幽便著游山

屐吾道終焉歎逝川

江河日夜赴東流浩浩乾坤春復秋誰識士元騰驥足非關參

政少魚頭捧心猶下憂時淚束手難爲借箸謀落落元臣數知

已祇今何處覓膺舟

謂曾文正胡文忠
文文忠沈文定

滿架圖書得古歡
頽然疎放一儒冠
名心已死難酬國
公論猶

存待蓋棺自顧才
衰生計少那知
官散舊盟寒
當年無意營三

窟好向鶯湖理釣竿

自埽桐陰更翦茨
安排枕簟酒醒時
得閒採藥難醫拙
乘興狂

謔不厭癡池面萍
開風細細牆頭花
暖日遲遲蘧廬一
覺莊周

夢蝴蝶飛飛樂不支

軒窗寂寞借餘暉
公子耽吟日掩扉
鑄出荷錢沽美酒
穿成柳

綫補秋衣從心所欲
花長好與世無爭
夢亦稀沙渚白鷗閑似

軀館閑吟

主

我十年蹤跡共忘機

丹崖青壁老烟霞
草滿庭除兩部蛙
靜裏藏身胸有竹
忙中閱

世眼無花愛騎馴
鹿慵扶杖厭聽癡
蜂開放荷獨闢町
畦發天

籟文園秋色不須賒

壺中日月小年長
坐聽吟蟬秋葉黃
老去詩篇無紀律
興來言

語亦疎狂雛孫教
寫雙鉤帖小婢呼
添百和香自喜蝸
廬最寥

廓人間何地不羲皇

方池翔月洗孱顏
亭曰休休早閉闌
謝諛交游淡似水
向平婚

嫁累如山雛兒學
語承歡笑猶子多才
數往還

謂逢
辛姪

馬氏白眉

年最少翩躚一任老夫頑

後生袞袞著貂裘似說當年第一流辨物尙難分菽麥登場便
欲快恩讎支離歲月調龍虎錦繡溪山閑鷺鷥幸際清時作逋
容胥江雲水永無憂

衰病相尋百感侵桑榆光景易駸駸淋漓痛飲師生淚

謂曾文正師

慷慨悲訶天地心忍辱尙能完白璧求賢奚待築黃金卅年不
改青衫色自笑癡頑直到今

晚年安樂自名窩桂苒秋光上薜蘿臨帖每嫌佳拓少看書偏
覺睡魔多邀來風月本無價老去精神總不磨鋋笛一聲諸籟

軀館閑吟

三

寂余善吹笛今已齒豁矣

悠悠心事付狂詩

天賜餘年鬢已皤近來之子意如何未荒松菊陶元亮無限煙
波張志和千里鴻書沈北塞三春蟻夢醒南柯杯弓幻影難分
曉十易星霜一瞬過

九萬雲程一夢中此身原是信天翁落英餐得籬邊菊老樹甘
爲爨下桐冷眼誰分棋黑白寒鋌不露劍雌雄人生七十將馬
往隨意摩挲四大空

曲園太史和作

無須蒿目望瀛寰且與雲萍共往還自比子綦隱南郭人

期安石起東山白衣遊戲頭銜貴綠野尊榮歲月閒殊勝
建牙開府日朝朝銜鼓報當關

遮莫霜華兩鬢侵不妨姑與俗浮沈尚存老杜憂時意久
絕公孫阿世心自與朋儕共酬唱擬憑書卷送光陰須知
泉石逍遙日轉比當年望更深

已羨詩才凌鮑謝更看書法得斯冰腰間拋卸黃金印案
上存留白木燈鼎爇芸香聊辟蠹坐揮松柄偶驅蠅此中
亦有真經濟莫道先生病未能

昔年雷雨經綸手今日煙霞供養身世外鷺軀相泆浴體

驅館閑吟

三

中龍虎自調馴偶携秋日新詩句示我春臺舊部人消釋
升沈無限意兩忘謝笑與顏暝

脩庭觀察和作

故園松菊已荒蕪五十須眉不丈夫瘦蝶惜衣晴曬粉孤
鴻警弋夜銜蘆蟲聲繞砌知秋半竹影當牕待月扶參透
須臾無我旨年來牛馬任人呼

瓊樓玉宇一聲簫不譜霓裳按六么雲本無心離遠岫星
緣何事謫層霄白衣蒼狗時千變碧海青天日雨潮我亦
夢中還采筆不勞爨下惜桐焦

中興將帥幾人存
衮衮羣公出相門
倉卒伊誰知道濟
承平人自號王尊
艱難勳績麟圖閣
容易譚鋒蝨處禪
高揖星雲南北望
惟公心事許同論

一天涼露洗梧桐
萬里清光此夕中
顛倒衣裳猶作吏
婆娑歲月羨稱翁
倘逢佳客留叢桂
分付行厨剪晚菘
借問樓臺何處是
掬來滿手月玲瓏

憶從烽火滿蒼溪
拋却儒冠逐馬蹏
壯志直教空冀北
先機早已示關西
屢經縣布終難上
始信登橋莫浪題
收拾短衣磨盾墨
平生豪氣未嘗低

軀館閑吟

五

橫塘西去水如油
十里珠簾不上鉤
古道夕陽人喚渡
長隄衰草客登樓
高城雉堞聲急遠
水軀波塢影留
寄語香山老居士
琵琶聲裏在潯州

梵刹尊嚴古佛莊
清光引我過銀塘
一龕漁火明前渡
幾杵疏鐘落上方
風定如游魚樂國
天高元是鶴家鄉
小橋盡處山橫黛
繞郭屏風十二行

託跡吳中三十年
宦情似水夢如仙
才名交徧無雙士
佳茗嘗烹第二泉
喚作主人原是客

用蘇玉局句
欲歸故土却無田
吏稱清白我何敢
臣朔頻年媿俸錢

季文中翰和作

誰遣清光遍九寰
寥天高迴鶴飛還
舉杯喚出雲中月
捲幔時看雨後山
湯把功名傷老大
最難身世任優閒
異書讀罷渾無事
靜坐焚香自掩關
漁蓑脫卻任風侵
一曲陽春響易沈
劉向莫施醫國手
杜陵空老濟時心
翻騰北海魚龍氣
蔥蔚西山竹樹陰
見說栢梁多富麗
樓臺煙雨望中深
何堪舉世盡昏昏
廉吏清風到子孫
漫說文章光簡冊
尙餘氣骨傲乾坤
琢磨始見澄輝發
澹泊須知至味存
靜對

驅館閑吟

三

琴書無箇事
臥龍躍馬且休論

百鍊剛鋒出太阿
曲高自唱郢中歌
茫茫大海煙波澗
寂寂空山歲月多
野種桑麻知俗儉
場登禾稼識時和
名心不共花爭發
會向滄江買釣蓑

繁華到眼最匆匆
萬事都歸感慨中
未見驂騮空冀北
由來人物盛江東
神清貌古懷迂叟
酒冽泉香樂醉翁
莫道秋深花事了
玉階猶有雁來紅

倚天長劔氣成虹
立馬寒山冷翠中
伏櫪無心悲老驥
搏霄有意羨飛鴻
酒能遣興延歡伯
詩爲驅愁著惱公
自古

滄桑多變幻敢因枯落怨蒼穹

軀館閑吟

三六



[Faint, mostly illegible text in vertical columns, likely bleed-through from the reverse side of the page.]

* 100 *



統一發價章
售價

定價

1011